

**ხელშეკრულება №278**  
**სახელმწიფო შესყიდვის შესახებ**

დ. ქედა

29 დეკემბერი 2017 წელი

**1. ხელშეკრულების დამდები მხარეები**

ერთის მხრივ, ქედის მუნიციპალიტეტი (შემდგომში – „შემსყიდველი“), წარმოდგენილი მერის ლევან გორგილაძის სახით და მეორე მხრივ, ფიზიკური პირი, მედდა ვარდო დიასამიძის (შემდგომში – „მიმწოდებელი“) სახით, ემოქმედებთ რა საქართველოს კანონმდებლობის ფარგლებში „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტის შესაბამისად, სახელმწიფო შესყიდვების სააგენტოს თავჯდომარის 2017 წლის 8 დეკემბრის #3423 განკარგულების (SMP170002955) და აჭარის ავტონომიური რესპუბლიკის მთავრობის 2017 წლის 28 დეკემბრის N177 განკარგულების თანახმად, გამარტივებული შესყიდვის წესით დებენ წინამდებარე ხელშეკრულებას და შევთანხმდით შემდეგზე:

**2. ხელშეკრულების საგანი**

ქედის მუნიციპალიტეტის 2018 წლის ადგილობრივი ბიუჯეტით გათვალისწინებული მიზნობრივი პროგრამის „სოფლის მოსახლეობის ექიმამდელი სამედიცინო დახმარების“ ფარგლებში სოფელ სიხალიძეების (სიხალიძეების და გარეტყის უბნების) მოსახლეობისათვის ექიმამდელი სამედიცინო მომსახურების მიწოდება (CPV კოდი 85141200).

**3. მომსახურების გაწევის პირობები**

3.1. ხელშეკრულებით გათვალისწინებული მომსახურება განხორციელდება 2018 წლის 01 იანვრიდან 2018 წლის 31 დეკემბრის ჩათვლით.

3.2. მომსახურების გაწევა ხორციელდება ქედის მუნიციპალიტეტის ადგილობრივი ბიუჯეტით გათვალისწინებული სოფლის მოსახლეობის ექიმამდელი სამედიცინო დახმარების მიზნობრივი პროგრამით, საქართველოს მოქმედი კანონმდებლობისა და წინამდებარე ხელშეკრულების შესაბამისად.

3.3. ხელშეკრულებით გათვალისწინებული მომსახურების გაწევის სავალდებულო სამუშაო საათებია შაბათ-კვირის და სადღესასწაულო დღეების გარდა ყოველდღე 10-დან 17-საათამდე.

**4. ხელშეკრულების ღირებულება**

4.1. ხელშეკრულების საერთო ღირებულება შეადგენს 3000 (სამიათასი) ლარს.

4.2. „მიმწოდებლის“ მიერ, ერთი კალენდარული თვის განმავლობაში შესრულებული/გაწეული მომსახურების ღირებულება შეადგენს 250 (ორას ორმოცდაათი) ლარს.

4.3. ხელშეკრულების საერთო ღირებულება მოიცავს საქართველოს მოქმედი კანონმდებლობით დადგენილ ყველა გადასახადს/მოსაკრებელს/სახდელს, რომლის გადახდა ეკისრება „მიმწოდებელს“.

**5. შესყიდვის ობიექტის მიღება-ჩაბარების წესი**

5.1. მომსახურების მიღება-ჩაბარება წარმოებს მხარეთა შორის მიღება-ჩაბარების აქტის გაფორმებით. მიღება-ჩაბარების აქტის გაფორმებამდე, „მიმწოდებელი“ ვალდებულია წარუდგინოს „შემსყიდველს“ შესრულებული სამუშაოს ანგარიში.

5.2. მიღება-ჩაბარების აქტი ფორმდება არაუგვიანეს საანგარიშო თვის 25 რიცხვამდე.

5.3. მიღება-ჩაბარების აქტს ხელს აწერს „მიმწოდებელი“ და „შემსყიდველის“ უფლებამოსილი პირი.

**6. ანგარიშსწორება**

6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

6.2. ხელშეკრულებით გათვალისწინებული მომსახურების დაფინანსება ხორციელდება „შემსყიდველთან“ მიღება-ჩაბარების აქტის გაფორმებიდან 10 (ათი) სამუშაო დღის ვადაში. დეკემბრის თვის ანგარიშსწორება წარმოებს არაუგვიანეს 2018 წლის 31 დეკემბრისა.

## 7. მხარეთა უფლება-მოვალეობანი

### 7.1. მიმწოდებელი ვალდებულია:

- 7.1.1. ხელშეკრულებით გათვალისწინებული მომსახურება განხორციელოს საქართველოს მოქმედი კანონმდებლობის მოთხოვნების სრული დაცვით, წინააღმდეგ შემთხვევაში, სრული პასუხისმგებლობა ეკისრება „მიმწოდებელს“;
- 7.1.2. დაიცვას „ქედის მუნიციპალიტეტის ადგილობრივი ბიუჯეტით გათვალისწინებული სოფლის მოსახლეობის ექიმამდელი სამედიცინო დახმარების მიზნობრივი პროგრამისა და წინამდებარე ხელშეკრულების პირობები, აგრეთვე „შემსყიდველის“ მიერ დადგენილი (მიღებული) მოთხოვნები (ამ უკანასკნელის არსებობის შემთხვევაში);
- 7.1.3. უზრუნველყოს მომსახურების გაწევა სანიტარიული ნორმებისა და ეპიდრეჟიმის დაცვით;
- 7.1.4. მიმწოდებელი ვალდებულია შესაბამისი საანგარიშგებო დოკუმენტაცია წარადგინოს „შემსყიდველთან“ არაუგვიანეს შესრულებული სამუშაოს თვის 25 რიცხვისა;
- 7.1.5. უზრუნველყოს საქართველოს კანონმდებლობით დადგენილი გადასახადების გადახდა და არ მოსთხოვოს „შემსყიდველს“ მომსახურების ღირებულების გარდა, არავითარი გადასახადის ან დამატებითი თანხის გადახდა;
- 7.1.6. ოპერატიულად მიაწოდოს „შემსყიდველს“ ინფორმაცია, რაც უკავშირდება „მიმწოდებლის“ მხრიდან ხელშეკრულებით გათვალისწინებული მომსახურების გაწევის შეფერხებას და/ან შეწყვეტას;
- 7.1.7. „შემსყიდველის“ მოთხოვნის შესაბამისად, მიაწოდოს მას ნებისმიერი ინფორმაცია თუ დოკუმენტი, რომელიც უკავშირდება „ქედის მუნიციპალიტეტის ადგილობრივი ბიუჯეტით გათვალისწინებული სოფლის მოსახლეობის ექიმამდელი სამედიცინო დახმარების მიზნობრივი პროგრამის შესრულებას;
- 7.1.8. კომპეტენციის ფარგლებში განახორციელოს იმ სოფლის ექიმის მითითებები და დავალებები, რომლის სამოქმედო არეალში ახორციელებს იგი ექიმამდელ სამედიცინო საქმიანობას;
- 7.1.9. მოსახლეობისათვის ჯანმრთელი ცხოვრების წესის დამკვიდრების მიზნით, აწარმოოს თემის მოსახლეობისათვის სამედიცინო-პროფილაქტიკური სახის ინფორმაციის მიწოდება და პრევენციული ღონისძიებების გატარება;
- 7.1.10. კომპეტენციის ფარგლებში უზრუნველყოს მოსახლეობისათვის ექიმამდელი სამედიცინო დახმარების აღმოჩენა;
- 7.1.11. კომპეტენციის ფარგლებში უზრუნველყოს პაციენტების ჯანმრთელობის მდგომარეობის შეფასება, სამედიცინო პრობლემათა დროული იდენტიფიკაცია და შეფასოს პაციენტის ექიმებთან გაგზავნის საჭიროება;
- 7.1.12. კომპეტენციის ფარგლებში განახორციელოს ქრონიკული და მწვავე დაავადებების მქონე პაციენტების, მათ შორის ინკურაბელური და შაქრიანი დიაბეტით დაავადებულთა მეთვალყურეობა;
- 7.1.13. უზრუნველყოს შაქრიანი დიაბეტით დაავადებულთათვის შაქრის განსაზღვრა სისხლში (ექსპრეს დიაგნოსტიკა);
- 7.1.14. კომპეტენციის ფარგლებში განახორციელოს პალიატიული ზრუნვა;
- 7.1.15. კომპეტენციის ფარგლებში უზრუნველყოს ორსულთა მეთვალყურეობა;
- 7.1.16. კომპეტენციის ფარგლებში უზრუნველყოს მშობიარობის შემდგომ პერიოდში დედების და ახალშობილთა მეთვალყურეობა;
- 7.1.17. სისტემატიურად აწარმოოს სამედიცინო დოკუმენტაცია დადგენილი წესის შესაბამისად;
- 7.1.18. დროულად და ადეკვატურად მოახდინოს მოსახლეობის ინფორმირება სახელმწიფო და ადგილობრივი მიზნობრივი პროგრამებით მომსახურების სახეებისა და მოცულობის თაობაზე;
- 7.1.19. დაიცვას პაციენტის კანონიერი უფლებები და სამედიცინო ეთიკის ნორმები, ასევე უზრუნველყოს ინფორმაციის კონფიდენციალობა;
- 7.1.20. იზრუნოს პროფესიულ ზრდასა და განვითარებაზე;
- 7.1.21. განახორციელოს ქვეპროგრამის ასიგნებათა ფარგლებში, მედიკამენტების მიღება დადგენილი წესისა და სათანადო მხარეებს შორის გაფორმებული მიღება-ჩაბარების აქტის საფუძველზე კვარტალში ერთხელ;
- 7.1.22. განახორციელოს ქვეპროგრამის ასიგნებათა ფარგლებში მიღებული მედიკამენტების აღწერა და „შემსყიდველისათვის“ მათი ხარჯვის შესახებ ყოველთვიური ანგარიშის წარდგენა;

7.1.23. „მიწოდებელი“ პასუხისმგებელია „პროგრამის“ ფარგლებში მიღებული მატერიალური ფასეულობების შენახვა - ხარჯვაზე და მისი ბრალეულობით გამოწვეული ზარალის ანაზღაურებაზე;

#### **7.2. „მიწოდებელი“ უფლებამოსილია:**

7.2.1. მიიღოს „შემსყიდველისაგან“ „პროგრამის“ მიხედვით შესრულებული მომსახურების საფასური;

7.2.2. მოითხოვოს „შემსყიდველისაგან“ ხელშეკრულების სხვა პირობების შესრულება.

7.2.3. მოთხოვოს „შემსყიდველს“ გაწეული მომსახურების ღირებულების დროული გადარიცხვა მის საბანკო ანგარიშზე;

7.2.4. უარი განაცხადოს იმ სამუშაოს, დავალების ან მითითების შესრულებაზე, რომელიც ეწინააღმდეგება კანონმდებლობას.

#### **7.3. „შემსყიდველი“ ვალდებულია:**

7.3.1. პროგრამის და ამ ხელშეკრულების ფარგლებში, აუნაზღაუროს „მიწოდებელს“ გაწეული ექიმამდელი სამედიცინო მომსახურების საფასური;

7.3.2. მიაწოდოს დროულად ინფორმაცია მიწოდებელს, სამართლებრივ აქტებში განხორციელებულ ცვლილებებთან დაკავშირებით, რომელიც უშუალოდ არის დაკავშირებული მის საქმიანობასთან;

7.3.3. დაიცვას ხელშეკრულების სხვა პირობები.

#### **7.4. „შემსყიდველი“ უფლებამოსილია:**

7.4.1. მოთხოვოს „მიწოდებელს“ წინამდებარე ხელშეკრულებით გათვალისწინებული პირობების შესრულება;

7.4.2. მოთხოვოს „მიწოდებელს“ დამატებითი ინფორმაცია და დოკუმენტები, რაც უკავშირდება „მიწოდებლის“ მიერ გაწეულ მომსახურებას;

7.4.3. ხელშეკრულების მიმდინარეობის ნებისმიერ ეტაპზე განახორციელოს სახელშეკრულებო ვალდებულებების შესრულების მიმდინარეობის ინსპექტირება და ინსპექტირების შედეგები ასახოს ინსპექტირების აქტში;

7.4.4. საჭიროების შემთხვევაში, „პროგრამით“ გათვალისწინებული ურთიერთობების დარღვევების მიზნით, მიიღოს (გამოსცეს) ინდივიდუალური ადმინისტრაციულ-სამართლებრივი აქტი, რომლის შესრულებაც სავალდებულოა „მიწოდებლისათვის“ იმ მოცულობით, რაც უკავშირდება ხელშეკრულებით გათვალისწინებული მომსახურების გაწევას. ამ პუნქტით გათვალისწინებული აქტის მიღება წარმოადგენს „შემსყიდველის“ უფლებას და არა ვალდებულებას;

### **8. ხელშეკრულების პირობების შეუსრულებლობა**

8.1 ხელშეკრულების შესრულებაზე ცალმხრივად უარის თქმის შემთხვევაში, გარდა ხელშეკრულების მე-12 მუხლით გათვალისწინებული შემთხვევებისა, მხარეებს უფლება აქვთ ბრალეულ მხარეს მოთხოვონ ჯარიმის გადახდა 250 ლარის ოდენობით.

8.2 ინსპექტირების შედეგად ხელშეკრულებით „მიწოდებელზე“ დაკისრებული მოვალეობების დარღვევის გამოვლენის შემთხვევაში, „შემსყიდველი“ უფლებამოსილია გამოვლენიდან ათი დღის განმავლობაში წერილობით აცნობოს „მიწოდებელს“ აღნიშნულის შესახებ და დამატებით მისცეს გონივრული ვადა მათ აღმოსაფხვრელად; წერილით განსაზღვრულ ვადაში ამ დარღვევის არ აღმოფხვრის შემთხვევაში ან/და იდენტური დარღვევის განმეორებით დაფიქსირების შემთხვევაში „შემსყიდველი“ უფლებამოსილია ცალმხრივად გაწყვიტოს ხელშეკრულება ან/და დააჯარიმოს მიწოდებელი ერთი კალენდარული თვის განმავლობაში შესრულებული/გაწეული მომსახურების ღირებულების 50%-ის ოდენობით.

### **9. ხელშეკრულების შეწყვეტის პირობები**

9.1. ხელშეკრულება შეიძლება შეწყდეს:

9.1.1. ურთიერთვალდებულებების შესრულებით;

9.1.2. მხარეთა შეთანხმებით;

9.1.3. საქართველოს მოქმედი კანონმდებლობითა და/ან წინამდებარე ხელშეკრულებით გათვალისწინებულ სხვა შემთხვევებში.

9.2. მხარეთა შეთანხმებით ხელშეკრულების შეწყვეტის შემთხვევაში, ინიციატორი მხარე მეორე მხარეს უგზავნის წერილობით შეტყობინებას.

9.3. წერილობითი შეტყობინება არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან, შეთანხმების მიღწევამდე.

9.4. „შემსყიდველს“ ცალმხრივად შეუძლია მიიღოს გადაწყვეტილება ხელშეკრულების შეწყვეტის შესახებ:

9.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების შესრულებას;

9.4.2. საქართველოს კანონმდებლობით გათვალისწინებულ სხვა შემთხვევებში.

9.5. ხელშეკრულების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

## 10. ხელშეკრულების პირობების და ფასების გადასინჯვა

10.1. სახელმწიფო შესყიდვის შესახებ ხელშეკრულებაში ნებისმიერი ცვლილების განხორციელების შემთხვევაში, აღნიშნული ცვლილება უნდა გაფორმდეს წერილობითი ფორმით.

10.2. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

## 11. სადავო საკითხების გადაწყვეტა

11.1. „შემსყიდველმა“ და „მიმწოდებელმა“ ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

11.2. თუ ასეთი მოლაპარაკების დაწყებიდან 30 (ოცდაათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადავო საკითხის შეთანხმებით მოგვარებას, ნებისმიერ მხარეს, დავის გადაწყვეტის მიზნით, შეუძლია დადგენილი წესის მიხედვით მიმართოს საქართველოს სასამართლოს.

## 12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლების არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოების ზეგავლენისაგან.

### 13. ხელშეკრულების მოქმედების ვადა

13.1. წინამდებარე ხელშეკრულების მოქმედებს 2019 წლის 31 იანვრამდე.

### 14. სხვა პირობები

14.1. წინამდებარე ხელშეკრულება შედგენილია 2 (ორი) ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება ერთი ეგზემპლარი „შემსყიდველთან“ და ერთი ეგზემპლარი - „მიმწოდებელთან“.

14.2. წინამდებარე ხელშეკრულებაზე ხელმოწერა ადასტურებს, რომ მხარეები ზედმიწევნით გაეცნენ ხელშეკრულების ყველა პირობას და სრულად ეთანხმებიან მათ.

### 15. მხარეთა იურიდიული მისამართები და რეკვიზიტები:

#### „შემსყიდველი“

#### „მიმწოდებელი“

ქედის მუნიციპალიტეტი  
მისამართი: დ. ქედა, მ. კოსტავას ქ. №3  
საბანკო რეკვიზიტი: ს.ს. „ლიბერთი ბანკის“  
ქედის ფილიალი; ბანკის კოდი LBRTGE22  
ა.ა GE82LB0120111389440003;  
საიდ. კოდი 246762061  
ბერი  
ლევან გორგილაძე

ფიზიკური პირი - ვარდო დიასამიძე  
პირადი N61008014003  
მისამართი: ქედა, სოფ. სიხალიძეები  
ბანკის დასახელება: ს.ს. „საქართველოს ბანკი“  
ბანკის კოდი BAGAGE22  
ანგ. № GE42BG00000002774705800

ფიზიკური პირი - მედდა  
ვარდო დიასამიძე

